

- Ouf der herten stainwant.“
 60 vil manlich der weigant
 Gie süchen in der klause,
 ob er in dem house
 Inder lüte funde.
 nv chom er an der stunde
 65 Ouf des Risen palas,
 der hoch vnt weit was.
 Da durch so gie daz purgetor,
 Da er slüch den Risen vor.
 Da vant er niem~ inne.
 70 er gedaht in sinem sinne:
 „Mich wndert, waz daz meine,
 daz ditz hous aleine
 Ist so gar an lüte
 oder waz daz bedaeute,
 75 Daz ich hie niem~ vinden cha~,
 weder wip noch man.
 Daz ist ein saeltsaenez dinch.“
 nv gedahte der iüngelich:
 „Wa myge~ dise lüte sin“?
 80 nv sach er ein vensterlin
 Ze ende an des sales want.
 da gegen gie der weiga~t.
 Daz venster was verslozze~.
 Garel, der vnverdrozzen,
 85 Brach ez ouf sazehant.
 da durch sa der weiga~t
 Sitzen einen iunge~ man.
 eine' swaern boyen het er an
 Vñ zwai eisen an de~ arm~.
 90 daz begynde de~ helt erbarm~.
 Im lach von eisen ein swaerez ba~t
 vmb den hals, in die want
 Was er versmidet sere.
 siner rübe was niht mer,
 95 Wan daz er leinte an der want. (c)
 in de~ gemache er in vant,